



BOSNA I HERCEGOVINA  
PARLAMENTARNA SKUPŠTINA  
BOSNE I HERCEGOVINE  
PREDSTAVNIČKI DOM

**Komisija za finansije i budžet**

Broj: 01/4-011-290/02

Sarajevo, 26. marta 2002.godine.

## ZAPISNIK

**sa 28. sjednice Komisije za finansije i budžet Predstavničkog doma  
Parlamentarne skupštine Bosne i Hercegovine,  
održane 26. marta 2002.godine**

Sjednica je počela u 12 sati.

Sjednicom je predsjedavala Emina Začiragić, predsjedavajući Komisije.

Sjednici su prisustvovali: Ramiz Vilić, Salih Kulenović, Dragi Stanimirović, Boro Bjelobrk i Zdenko Vukić

Sjednici opravdano nisu prisustvovali: Tihomir Gligorić. Ljubomir Kovačević i Mirko Baković.

Sjednici je prisustvovao Sead Muminović, šef Odjela finansija u Ministarstvu za ljudska prava i izbjeglice.

Za sjednicu Komisije je predložen i usvojen sljedeći

### DNEVNI RED

1. Izveštaj izvjestitelja Zdenka Vukića po obavljenoj reviziji ureda za reviziju finansijskog poslovanja za 2000. godinu u Ministarstvu za ljudska prava i izbjeglice (razgovor sa predstanikom Ministarstva)

2. Utvrđivanje konačnog Izveštaja o obavljenoj reviziji za 2000. godinu: Državne granične službe BiH, Ministarstva za trezor institucija BiH, Ministarstva za ljudska prava i izbjeglice, Ministarstva za evropske integracije, Ustavnog suda BiH, Regulativne agencije za telekomunikacije

3. Tekuća pitanja.

## Ad-1

U razgovoru sa Seadom Muminovićem, predstavnikom Ministarstva za ljudska prava i izbjeglice ukazao je na to da je Ministarstvo ustrojeno u 7. i 8. mjesecu 2000. godine i da su neizmirene i proistekle obaveze u iznosu od 179.000,00 KM u tom periodu uredno prijavljene Trezo, a revizija ih nije utvrdila. Komentar strukture stvorenih obaveza pokazao je da se 130.000,00 KM duga odnosi na zakupninu tri prostora na kojima je Ministarstvo bilo smješteno. Ukazano je također na nepostojanje Zakonona o računovodstvu na nivou institucija BiH.

Komentarisani je program i projekat za povratak izbjeglica koji nikada nije zaključen u cjelini, odnosno nisu tačno identificirani lokaliteti i vlasništvo nad 120 objekata i da nije izvršena primopredaju u Ministarstvu. Za 90 objekata Ministarstvo posjeduje dokumentaciju.

Na osnovu analize Izvještaja i obavljenog razgovora zaključeno je: da nisu jasno precizirana i utvrđena pravila, uvjeti i procedure za raspodjelu sredstava krajnjim korisnicima, a primjenjivani kriteriji nisu javno objavljeni.

Pravilnik o unutarnoj organizaciji i sistematizaciji radnih mjesta nije postojao kao ni pravila i procedure koje bi preciznije definisale pojedine kategorije troškova radi djelotvornijeg i racionalnijeg poslovanja.. Ministarstvo je nedovoljnim planiranjem Budžeta za 2000. godinu imalo za posljedicu nedosljedno poštivanje Zakona o izvršenju budžeta i zakona o Budžetu institucija BiH, a prekoračenje pojedinih kategorija troškova finansirano je prelijevanjem iz drugih budžetskih stavki, što je u suprotnosti s članom 11. Zakona o izvršenju budžeta.

Ministarstvo je u više navrata prekršilo pozitivne zakonske propise, a pod tim podrazumjeva se nepoštivanje ili nedosljednost kod izvršenja Budžeta, neknjiženje obaveza, nabavka kapitalnih sredstava i zapošljavanje radnika.

Za program izbjeglica, finansiran iz Budžeta, potrebno je sačiniti konačan izvještaj kojim će se definisati i vlasništvo izgrađenih objekata- montažnih kuća i utvrditi odgovornost mjerodavnih lica za učinjene propuste, a u budućim projektima osigurati povratne informacije uz relevantne dokaze o utrošku sredstava.

Potrebno je sačiniti Pravilnik kojim bi se definisala procedura i obaveza promopredaje dužnosti između izabраних funkcionera.

U vezi sa neodazivanjem i učestvovanjem relevantnog sagovornika na internom razgovoru Boro Bjelobrk i Salih Kulenović su ukazali na ignorantski odnos ministra prema obavezama koje je Ministarstvo imalo prema Komisiji.

Zaključeno je da se od Vijeća ministara zatraži da do 30.6.2002. godine sačini plan donošenja cjelovite državne legislative kao i da Ministarstvo dostavi konačan izvještaj kojim će se definisati i vlasništvo izgrađenih objekata- montažnih kuća i utvrditi odgovornost mjerodavnih osoba za učinjene propuste u ovom projektu.

Također Komisija će u konačnom izvještaju koji će dostaviti Predstavničkom domu preporučiti konkretno šta je potrebno otkloniti u propustima koji su učinjeni od strane Ministarstva, što u međuvremenu nije otklonjeno.

## Ad-2

Utvrđivanje konačnog Izvještaja o obavljenoj reviziji za 2000. godinu: Državne granične službe BiH, Ministarstva za trezor institucija BiH, Ministarstva za ljudska

prava i izbjeglice, Ministarstva za evropske integracije, Ustavnog suda BiH, Regulativne agencije ta telekomunikacije

Konačne Izvještaje po ovoj tački podnijeli su, izuzev Zdenka Vukuća koji iz objektivnih razloga nije dovršen, Ljubomir Kovačević, Dragi Stanimirović, Salih Kulenović, Boro Bjelobrč, i Emina Začiragić.

Zaključeno je da se u dopisu navedu imena izvjestitelja koji će izlagati stavove Komisije na sjednici Predstavničkog doma, i uz dopis priloži šest Izvještaja.

### Ad-3.


Imajući u vidu da je članovima Komisije na sjednici uručen Zapisnik sa 26. i 27. sjednice uočeno je da u Zapisniku 26. sjednice pod tačkom 2. i 3. nije unesen zaključak kojim bi se Vijeću ministara predložilo da pristupi pripremama za donošenje propisa kojima će regulisati izvorne prihode Budžeta institucija BiH.

Predsjedavajući Komisije je napomenula da se o navedenom Zaključku nije glasalo radi čega nije ni naveden u Zapisniku 26. sjednice.

Na današnjoj sjednici većinom glasova je zaključeno da se predloži Vijeću ministara Bosne i Hercegovine da pristupi pripremi za donošenje propisa kojima će regulisati izvorne prihode Budžeta institucija BiH.

Sjednica se završila u 14:00 sati

Zapisnik sačinila  
Emira Češljan



Predsjedavajući Komisije  
Emina Začiragić

